



21303

Mag. St. Dr.

K. Komp.
P

Cas. Stanisł.

Zrodliński Casim: Augustale Speculorum et
eximiar virtutes et D. Matthiae Stanislas
Projeti creatum.

PANEG. et VITAE

Polon. Vol.

№ 1068

A

Ex

I

P

C

Vtr

P

Sa

In

In

M.

At

Qua

AUGUSTALE THEOLOGICVM,

Ob

Eximias Virtutes, consumatam Sapientiam, indefessos labores, & amplissima in Republica Literaria Merita,

Perillustri, Clarissimo, & Admodum Reverendo Domino,

D. M. MATTHIÆ
STANISLAO
PSOIECKI,

Collegæ Majori, Sacræ Theologiæ & Iuris
Vtriusq; DOCTORI, Cursûs Theologici Radiminsciani,
Professori, Protonotario Apostolico, Ecclesiæ Collegiæ,
S. FLORIANI Canonico, Curato in Osiek, Contubernij
Iagelloniani Provisori, Almæ Universitatis Cracoviensis,
GENERALI PROCVRATORI,

D V M

In eadem Celeberrima Academia,

PRO LOCO,

Inter Perillustres, Clarissimos, & Admodum Reverendos Dominos,

Sacræ Theologiæ DOCTORES ac Professores,

RITV SOLENNI,

In Florentissima Illustrium Hospitum & Academici Senatûs
præsentia, Responderet,

E R E C T V M:

Iam verò,

In documentum profundæ Venerationis, debitæq; observantiæ, tanti Viri,

M. CASIMIRO ZRZODLINSKI, Philosophiæ Doctore & Professore,

Carmine Heroico,

ORBI POLONO,

Ad æviternam memoriam,

248.

21. 303 III

At P R Æ S E N T A T V M.

Qua Anno à Partu Virginis M. DC. XCI. VIII. Idus Septembris.



SCAZON DEDICATORIVS.

IE, Magne Doctor, Alma Mater exornat
Honore celebri, quem perenne commendat,
Laudisq; gloriæq; semper excelsæ,
In orbe monumentum. Vocare Parnassum
Nunc audeo libens, Sacrosvè Musarum
Choros. Cithara Te cantat ipsa Cirrhæa,
Tantum fave, jubeq; celsa factorum
Cacumina Tuorum, levi sono, sæclis
Transferre posthumis. Ego quidem non sum
Homerus, ut Ulysis notem labores hîc,
Nec Musa nunc Maronis, occupat mentem
Meam, queat ut in luce publica, summo
Carmen placere, convenireq; Augusto.
Sed en humile supplexque, Summe Vir, votum
Absconde cordis in favente secreto.
Videre potes in me calentis affectûs
Expressa signa, quæ Tuo, Pater, sacro
Honori, in Academi Solo, triumphanti.
Hoc ergo, muneris loco, do vettigal,
Simul Theologicum Tibi offero Augustal.
Solemnibus precabor interim votis,
Locatus ut in apside suprema, Vivas
Tithonios, diu, Professor Illustris,
Annos. Pylia quem jam senecta conservet.

Ita Vovet,

Perillustris, Clarissimæ & Admodùm Reuerendæ
Dominationis Vestræ,

Humillimus Cliens,

CASIMIRVS ZRZODLINSKI,
Artium Liberalium Magister, & Philoso-
phiæ DOCTOR ac Professor.



T
N
Na
Ne
Tle
Qua
Aut
Reg
Neo
Vel
Nor
Rex
Scip
Com
Cæsa
Gest
Et C
Fact
Et la
Hoc
Incip
Potat
Pieris
Ac tu
Auxil
Theo
Com
Argun
PSO
Et pro
Magn
At ital
Quand

AVGVSTALE THEOLOGICVM.

Non ego Romulei te dico Sanguinis auctor,
Cuncta tuo qui bella pater, sub numine torques:
Namq̃ meo veniunt nunc dulcia gaudia vultu.
Nec decanto tuos rigidos hac voce labores,
Tlepolemi genitor, necnon Iovis inclyta proles,
Quam non mille feræ, quam non Stheneleius hostis
Aut potuit superare unquam Saturnia Iuno.
Regis Alexandri non cogito dicere famam,
Nec laudem nunquam morituram pango Quirini,
Vel Ducibus claris Carthaginis, edo colossos.
Non Priamum canto, Troiæ, qui tempore longo
Rex fuit. Haud cupio vestrum duo fulmina belli
Scipiadæ, æternum fastis inscribere nomen.
Conticeo, quos ille ferox dedit Annibal ausus,
Cæsaris Augusti sileo compendia rerum
Gestarum: gazas Arabum, non narro beatas,
Et Cræsi felix procul esto opulentia; verum
Facta, Virumque cano. qualem sapientia, virtus
Et labor & meritum, summas provexit ad arces;
Hoc fateor, quòd non verbis solennibus acta
Incipiam, nec Castaliæ vocalibus undis
Potatus, Phœboq̃ gravis; sed vestra Sorores
Pieria, Vati præfago gratia detur.
Ac tu magnorum proles Genitorq̃ Deorum,
Auxilium fer Latoides junctæq̃ Camænæ,
Theologi, grandes, quòd possim dicere laudes
Commodius. Proin à puerilibus ordior annis
Argumēta, Tuæ, modò, VIR CELEBERRIME, laudis,
PSOIECKI, cuius tenerum sapientia pectus,
Et probitas decorat. jam te tum cernere fas est
Magnanimum Alciden. non Tu mutaris in horas
At stabilem præfers vultum virtutibus aptum.
Quando alij tractant parvæ crepundia vitæ,

Viribus hunc cerno cunctis, ignava prementem
Otia: confestim summos pernicipibus alis
Scandentem fasces; positus qui in flore iuventæ,
En nova plectra movet; quando Cirrhæus Apollo, &
Sicelides Musæ, dulci probitate rubenti,
Dant è Pierijs vocalem fontibus undam.
Quis non Dædaleâ genitum Te Pallade credat?
Cum superes studio, doctumq; Palæmona vincas
Grammatico: Orpheum veneratur Sacra Pœsis.
Tullius eloquio es, decorat Te copia fandi:
Chrysippus, Zenoq; Tuæ victas dare palmas
Deberent Arti, Stoæ præcepta docenti.
Publica mox genium magnum lectoria poscunt,
Et parat eximios Academica Pallas Honores,
Emeritam primam ponens in vertice Laurum.
Pandite nunc Heliconæ Deæ, cantusq; movete,
MATTHIAS, Lyciâ meruit cum sorte vocari,
Interea ad præcelsa vagæ fastigia famæ.
Iam modò paululum iuvenis subvectus in altum,
Nec tamen alta sapit: præclara modestia doctam
Exornat mentem, procul estq; superbia turgens,
Quæ solet adjuncta, egregios evertere mores.
Ast hæc parva nimis: paulò maiora canamus.
Nocte sub arcana, nigros exutus amictus,
Non sua vel molli prosternit pectora lecto:
Immo nec in caræ vivit complexibus umbræ:
Sed vigilem manibus semper capit ipse lucernam,
Ad quam multa legit, tum nigras discutit umbras.
Maeste bonis animi, qui Rostra Togata frequentas,
Te Alma Parens, geminam mandat sperare Coronam.
Contulit hanc citò; verum mox magniq; Penates
Doctorem poscunt, redimitum tempora Lauro.
Grande quidem, rarumq; Viris sic inde probari
Principibus Mitris, ac nomina summa tenere,
Quis valet? hic tantum, quem verè cernimus ipsi,
Conspicuum vultu, generosaq; indole natum.
Quem solidâ instituit doctrinâ, casta Minerva

Muni.

Munivitq; suum virtus operosa Magistrum.
Omnia, Tu Doctor, sat largo munere prœdis.
Magnorum Heroum, proin inclyta pignora curæ,
Ecce Tuæ dantur. Mens iam præcellsa **ZALVSCI**
Egregias animi dotes, geniumq; probavit,
Magnanimos quando illa Chironi tradit Achilles
Primò. condecorat nunc sacra Tiara Pedumq;
Vnum **KIIIOVIÆ**: lucet namq; orbe Polono,
Dum Consulta Patrum, tum leges, juraq; servat.
Demissè reliquos venerantur Climata Mundi.
Grajugenum ille stupor, non iactet docta Magistri
Dogmata Aristotelis: non desunt præmia doctis
Frontibus, & semper sine fine encomia manent,
Et modò. nam verus, Domus Illustrissima, testis
DONHOFFI, laudans pariter studiumq; coronans
Doctoris. Nunc digna cedro fastisq; notari
Stirps antiqua nimis, Suadæ, cûi summa potestas
Demandata modò: nam prudentissima sunt hîc
Pectora, quæ toties dicunt oracula verè
Delphica, præsidiumq; ferunt, rebusvè secundis
Consilium Patriæ, pariter quàm tempore duro.
Ast summus, patriâ minimè contentus arenâ,
Doctor, iam gressus properos en dirigit ultrâ,
Atq; alio sub sole novas conquirere laudes
Festinat, Latiumq; petit, virtutis imago.
Elogio quovis dignum, Saturnia tellus
Vidit ut ipsa Virum. Themidis mox Laurea Sacræ
Nectitur, emeritæq; datur jam portio fronti.
Postquam gemmiferam Divina Astræa coronam,
Delicij Iuris, posuit jam vertice docto.
Inde pedem Doctor, multa cum laude reflexit.
Panditur interea Domus, eximiumq; Minorum
Collegarum tunc decus, atq; insigne trophæum.
Illa Patrum, paribus mandat propensa voluntas,
Te gaudere bonis. ô Vir, quidni satis esset
Eximiae laudis, tum clari nominis inde?
Tu tamen exoticos iterum petis amne recessus,

SRZENIA VIO, varias species, cultusq; locorum,
Templaq; & innumeris spatia interstincta figuris,
Visis, quò veniat Tibi posthac gloria major.
Te Romanus honos Capitolia tollit in alta:
Theologam Laurum prenas in Principe Roma.
Prospectat lectus populus, cæsusq; Togatus
Continuò, plaususq; sacro iam cantat Honori.
Sedes Roma Petri, quæ Pastoralis honoris
Facta Caput Mundi, tantum est mirata triumphum.
Vos mihi quæ Latium, septenaq; culmina Nymphæ
Incolitis; Tybrimq; novis attollitis undis
Conciliate fidem: quoniam plausistis amœnæ.
Lechia sed tristis tanto spoliata Decore,
Assiduè querulas transmittit ad æthæra voces,
Vt veniat sibi, tum patrijs consistat in Oris,
Vir magnus, Doctor sapiens, castusq; Sacerdos.
Ipsa Minor Domus Inclyta, quæ pietate coruscat,
Collegam revocare cupit, quò summa laborum
Doctoris tanti, ascensu majore coronet.
Dulce decus redit, & celeres ad limina nostra
Inde pedes vertens huc: experientia tanta,
Doctrina, & pietas, & rerum plurimus usus,
Linguarumq; in eo floret collectio summa.
Dignum laude Virum, iam cara Polonia gaudet
Viscera in accepisse sua, à longeq; redisse.
Concipit & nostra Alma Parens hinc gaudia mille.
Dumq; Polona nimis gaudet, plauditq; Propago,
Purpureum juris jubar, & Consum resalutat.
Tunc Augusta Domus, magnos pendendo labores,
Maior, Te Patrum docto mox deputat Albo.
Hic ubi constiteras, qualis, quantusvè videris
Quid referam? cum gesta Tua omnis cernat acutè.
Mitto ea quæ tecum fuerunt communia multis;
Sed tantum propriè Tua quæ sunt, canto Pœta.
Almæ quis matri Magno in discrimine rerum,
Obtulit egregium studium cum laude frequenter?
PSOIECKI Doctor, quem solum Numina Regni

Nolcunt perbellè curantem munera Matris.
Sic modò dum nobis obsunt immania monstra,
Atq; sacrosanctas leges temerare parata :
Quis magè tam afflictis opponere pectora rebus
Audet, quàm noster magna virtute coruscans
(Vestra meo non diffideat sententia Voto)
Doctor? præcipitans in multa pericula vitam.
Descendo ad reliquos, quos, Vir Celeberrimus, actus
Implevit : Sileo quanquam testatur & OSIEK,
In quo resplendet CV R A T I cura Paterna.
Dum niveas tutatur oves, dum læta ministrat
Pabula, dum virtute simul verboq; laborat.
Et Craciæ populi nunc flexanima ora Periclis
Experiuntur alacres, Ambrosiumq; ibi rati
Mellifluum : currunt omnes audire tonantem :
Vel Chrysostomus hic, profert quando aurea verba,
Censetur : nec non sapiens Academia summum
Theologum tenet, eximio Splendore micantem.
Aurea mens eius patet interea, ardua quando
Cœlestis, grauitèr, doctrinæ sensa resolvit.
Majestas residet vultu, mens nobilis atqne;
Nil ibi plebejum. Gentilitiæ SOLEÆ, nam
Elucet splendor clarè, celerisq; Sagittæ,
Nec non summa petens Virtus ibi præpetis Alæ.
Talibus ornatus Generis splendoribus, inter
Promeruit gratum, terrestria Numina, amorem.
Odrysiæ, toties, Rex, frangens cornua Lunæ,
Dilexit dotes celsa cum mente IOANNES,
O Vir magne, Tuas; nec FASCIA Principis, à Te
Avertit nexus, Augustaq; Lumina laudant
VAVELI, dum facta Tua extolluntq; probantq;ue.
Nunc tandem imposuit summis fastigia rebus
DOCTOR, & in Regno Sapientum mille trophæa
Obtinuit : cûi Castalides sublimia pandunt;
In quibus æternos referet sine nube triumphos.
Ergo Vive Pater, suprema sede locatus,
Felix, nec magnum properes ascendere Cælum.

Nestoreos annos, Mathusalemia sæcla
Imple; quodq; Tibi sapientia struxit, in ævum
AVGVSTALE Tuum, feliciter ipsa coronet.

ODE I. TRICOLOS Tetraastrophos,
Amplitudini sacræ,
Perillustis, Clarissimi, & Admodum Reuerendi Domini,
Sacræ Theologiæ, & Iuris Vtriusq; Doctoris,
Applaudens.

TAndem stetit, Vir Celeberrime,
In auge summa Culminis ardui :
Gaude, novumq; carmen Orbi
Congemina : quia Doctor es nunc.

Scyllæ latrantis cæruleum vadum,
Nec non Charybdæ mille pericula
Tranare, tum portum secundè
Tangere, Te meruisse, plaude.

Damnosa Siren ludere pertinax
Præstigijs, en non potuit Tuam
Virtutis almæ duriolem
Illa viam, Tibi præpedire.

Prudens Ulysses ridet hic omnia ;
Obturat aures blanditijs Dææ ;
Cui dulce solamen laborum,
Atq; operum generosa merces

Cordi est : triumphos, pegmata publica,
Parate tanto Thespiades Viro,
Qui inde fatigato frequenter
Pectore, prælia dira fudit.

PSOIECIANI gloria Nominis,
Meretur altæ Laudis adoream,
Auro refulgente, & metallo
Assyrio pretiosiore.

Sensere, claro dum eloquio tonas,
Quid lingua posset, quid calamo manus ?

Externa

*Externa quando Regna, sacrâ
Conspicuum coluere Lauru.*

*Tu si remittis munera grandia,
Opusq; sumis, mox sapientie
Diuinioris, tum labores*

Aoniâ recreas Camenâ.

*Te nec reclinat sollicitum, labor
Poscens quietem; sed neq; publice,
Pro Matre dilecta per Orbem,
Sat vigiles domuere cure.*

*Doctore tanto, nam nihil aureus,
Maiusvè, Titan, vel melius videt:*

Ergo beatos vivat annos,

Myriades numerando longas.

*Cecinit LUDOVICVS GASZTNSKI, Studio-
sus Rhetorices.*

ODE II. DICOLOS Tetraastrophos.

Magne P SOIECKI, Cathedram petis dum
Graciam, longè superas clientum
Vota, tum plausus celebres in Orbe

Inclyte Doctor.

*Qui Tuas ausit numerare laudes,
Adriæ insanos numerare fluctus,
Ille, & immensam spatij Libyssam
Ausit arenam.*

*Nobilis virtus, Tibi pectus alnum
Munijt, tanquam clypeus coruscans:
Cinxit & frontem niveam virenti
Fronde Corymbus.*

*Lumen es clarum, Schola dicit ipsa,
Cuius æternum decus, & Coronam
Semper exornas vbicunq; degis*

Docte Professor.

*Splendor Augusti, & Column Lycei
Craciæ es, Doctor celebris, per Orbem:
Gratius Phœbi radijs Polono*

Sydu Olympo.

C

Ergo

Ergo sic nobis Helice Trionis,
Et Theologum jubar, atq; Sacræ
Exedræ Lumen peragens triumphet
Secula mille.

*VLADISLAVS GASZTNSKI, Studio-
sus Rhetorices.*

FAVSTA ACCLAMATIO.

EXigit emeritos labor exantlatus honores,
Et poscit summum ferre per ora decus
Blanda Virûm. PSOIECKI, quando culmina celsa
Scandis, & in Cathedra, præmia Theologus
Docta capis: meritò celebres renovare triumphos,
Nostræ Aganippeæ jam properantq; Deæ
Altius in culmen, Sapientia tollat honorum,
Conspicuâ ornatum Te probitate Virum.
Vive Perillustris Doctor, tot lustra, precamur:
Æolium nitidas, quot mare nutrit aquas.

*ALEXANDER GASZTNSKI, Studiosus
Grammatices.*

In Vetustissimum Insigne, Primævæ Regni Scholæ, EPIGRAMMA.



Horrida monstra fremant quamvis, Academia, quid tum
Stemma Tuum, splendor, præsidiumq; Tibi est:
Hîc pietas firmo doctrinæ foedere juncta,
Contra Erebi Furias, jam manet impavida.

*ALBERTVS de Lubraniec D&BSKI,
Studiosus Rhetorices.*

Permissu Magnifici Domini RECTORIS.

OD

tum ?



